

欽定四庫全書薈要

史部
目錄類

吉林出版集團有限責任公司
海天出版社

目次

書名	卷次	頁次	作者
經義考	卷二六〇—卷三〇〇		清・朱彝尊撰
卷二六〇 逸經		二四二一	
卷二六一 逸經		二四二一八	
卷二六二 逸經		二四二二九	
卷二六三 逸經		二四二三九	
卷二六四 逸經		二四二四八	
卷二六五 逸經		二四二五九	
卷二六六 逸經		二四二七二	

書名	卷次	頁次	作者
卷二六七 毖緯 卷二六八 擬經 卷二六九 擬經 卷二七〇 擬經 卷二七一 擬經 卷二七二 擬經 卷二七三 擬經 卷二七四 擬經 卷二七五 擬經		二四二一八四 二四二一九二 二四二一一〇 二四二一一三〇 二四二一一四二 二四二一一六一 二四二一一七〇 二四二一一八七 二四二一九八	

書名		卷次	頁次	作者
卷二七六	擬經		二四二—二二〇	
卷二七七	擬經		二四二—二三〇	
卷二七八	擬經		二四二—二三二	
卷二七九	擬經		二四二—二四五	
卷二八〇	擬經		二四二—二五九	
卷二八一	承師		二四二—二七〇	
卷二八二	承師		二四二—二八六	
卷二八三	承師		二四二—二九七	
卷二八四	承師		二四二—三一〇	

書名	卷次	頁次	作者
卷二八五		二四二―三二四	
承師			
卷二八六		二四二―三四一	
宣講 立學			
卷二八七		二四二―三四三	
刊石			
卷二八八		二四二―三六〇	
刊石			
卷二八九		二四二―三七六	
刊石			
卷二九〇		二四二―三八五	
刊石			
卷二九一		二四二―三九四	
刊石			
卷二九二		二四二―四〇六	
書壁			
卷二九三		二四二―四一一	
鏤板			

書名	卷次	頁次	作者
卷二九四 著錄	卷一—卷一〇	二四二—四二三	清・乾隆四十年敕編
卷二九五 通説		二四二—四三四	
卷二九六 通説		二四二—四四八	
卷二九七 通説		二四二—四六八	
卷二九八 通説		二四二—四九一	
卷二九九 家學		二四二—五〇五	
卷三〇〇 自叙		二四二—五〇六	
欽定天祿琳琅書目			
卷首		二四二—五〇九	
卷一 宋版經部		二四二—五一七	

書名		卷次	頁次	作者
明版集部	宋板史部	卷二	二四二一五三一	
	宋板史部	卷三	二四二一五五九	
	宋版集部	卷四	二四二一五八八	
	影宋鈔經部	卷五	二四二一六〇六	
	元版經部	卷六	二四二一六三九	
	元版子部	卷七	二四二一六六九	
	明版經部	卷八	二四二一六九三	
	明版史部	卷九	二四二一七二〇	
	明版子部	卷一〇	二四二一七五二	
	明版集部			

欽定四庫全書薈要

史部
經義考卷二百
六十一


欽定四庫全書薈要卷九千九百八十九

史部

經義考卷二百六十

翰林院檢討朱彝尊撰

逸經上



遺句

賁彖傳 故不利有攸往 下有 剛柔交錯 四字接 天文也

王弼注剛柔交錯而成文焉天之文也

欽定四庫全書

經義考
卷二百六十

節彖傳 中正以通 下有 然後乃亨也 五字誤入注

右郭京易舉正

不威小不懲大

不損而益之

右家語

其亡斯自取災

焦竑曰見風俗通逸易也

右風俗通 今本無之

詳校官員外郎臣潘紹觀

有一道大足以守天下中足以守國家小足以守其身
謙之謂也

天地動而萬物變化

右說苑

天出善道聖人得之

文在天垂象見吉凶聖人則之之下

右陸賈新語

地可觀者莫可觀於木

右許慎說文

欽定四庫全書

經義考
卷二百六十

小人處位雖高必崩不盈其道不恒其德而能以善
終身未之有也是以初登於天後入於地

右桓寬鹽鐵論

乾為天

至

為木果

下有

為龍為直為衣為言

八字

朱震曰乾其動也直在上為衣在下為裳為言者震

聲兑口聲出于口也所以能言者出于乾陽也

項安世曰為龍震之健也為直巽之躁也為言兑之

決也震之龍巽之繩直兑之口舌皆以乾爻故也乾

為衣上服也坤為裳下服也

坤為地

至

為黑

下有

為牝為迷為方為囊為裳為黃為

帛為眾

一十六字

朱震曰坤變乾為牝馬離變坤為牝牛陰陽之中復

有陰陽也為迷者坤冥晦待陽而後明也為方者坤

靜而德方也為囊者坤虛有容也為裳為黃地之中

色為帛為眾不足於陽也

項安世曰曰牝曰迷曰方曰囊曰裳曰黃皆見本卦

欽定四庫全書

經義考
卷二百六十

繇辭乾為蠱蠱精而出於震至巽離而為絲至坤而成

帛也酒主陽眾主陰故坤為眾

震為雷

至

為蕃鮮

下有

為王為鵠為鼓

六字

朱震曰為王當在乾為天以下錯文也

項安世曰為王者帝出乎震也與長子同為鵠為鼓

皆聲之遠聞者也與雷同

巽為木

至

為躁卦

下有

為揚為鵠

四字

朱震曰為揚者巽為風輕揚震為鵠陽鳥也巽為鵠

陰鳥也

項安世曰巽稱而隱稱即揚也揚子曰巽以揚之

坎為水至為堅多心下有為宮為律為可為棟為叢棘

為狐為蒺藜為桎梏一十九字

朱震曰水可動而動可止而止故為可

項安世曰宮與穴同象皆外圍土而內居人陷也隱

伏也陽在中也五聲之宮亦陽在中也律者法也水

能平準故為法棟字疑當為棟棟在屋中有陽之象

欽定四庫全書

經義考
卷二百六十

四

焉大過省坎故為棟遼象多出於繇辭之文恐取於

大過也

離為火至為科上槁下有為牝牛三字

朱震曰為牧牛王洙本作牝牛

艮為山至為堅多節下有為鼻為虎為狐六字

朱震曰為鼻者傳曰鼻者面之山

項安世曰艮為山鼻者天中之山也艮主寅壬寅獸

也故艮為狗虎之子亦為狗坎為狐取其心之險也

艮為狐取其喙之黔也

兌為澤至為羊下有為常為輔頰五字

項安世曰晁以道古易常即古文棠字若然坤之逸

象既有棠矣兌之為常意者其為商之誤與

右九家易解

離者麗也下有麗必有所感故受之以咸咸者感也一

十四字

右王昭素易論

欽定四庫全書

經義考
卷二百六十

五

故受之以遯下有遯者退也四字

右易舉正

書

逸篇

汨作九共 橐餖

序曰帝釐下土方設居方別生分類作汨作九共九

篇橐餖

劉敞曰九共九篇共當作丘古文丘作𡵓與共相近

故誤傳以為共耳九丘者即所謂八索九丘案小序

帝釐下土方設居方別生分類作汨作九共及橐籥

然則汨作之篇言所以釐下土興功致治之道耳九

丘者乃所謂方設居方別生分類者也九州殊土異

俗各因其性順其舊而教擾之故為九篇篇言一州

也舜肇十有二州而今但九者幽并之俗與冀州類

營州之俗與青州類但疆土廣大故分之至於人物

自如舊也孔安國為隸古定書不知丘字誤為共遂

欽定四庫全書

經義考
卷二百六十一

六

肆臆說云述職方以除九丘案職方氏之書一官所

守耳周禮出於周公仲尼未嘗刪述而云除九丘可

乎則此云九共當為九丘必也禹貢雖載九州之地

形乃是治水之書亦無方設居方別生分類之事是

禹貢所言者形質也九丘所言者情性也惜哉此書

之亡不及見有虞氏之明德也

林之奇曰知之為知之堯典舜典之所以可言也不

知為不知九共橐籥畧之可也

朱子曰方設居方逐方各設其居方之道

薛季宣曰絲湮洪水而謂之汨陳舜釐下土而謂之

汨作絲亂之而舜治之水治而後民可作也伏生稱

九共以諸侯來朝各述其土地所生美惡人民好惡

為之貢賦政教紀其語曰予辨下土使民平平使民

無傲然則貢賦之書禹貢蓋其畧耳舜典肇十有二

州而九共止於九篇治水之後州復合為九州矣

帝告

文記
作告

釐沃

欽定四庫全書

經義考
卷二百六十一

七

序曰自契至于成湯八遷湯始居亳從先王居作帝

告釐沃

陸德明曰帝告釐沃等五亡篇舊解是夏書馬鄭之

徒以為商書兩義俱通

陳櫟曰契帝嚳子舜封之商賜姓子嚳元都亳帝告

即帝嚳

章施乃服明上下

王應麟曰書大傳引帝告篇

湯征

序曰湯征諸侯葛伯不祀湯始征之作湯征

孔穎達曰湯伐諸侯始於葛伯仲虺之誥云初征自葛是也

湯曰子有言人視水見形視民知治不伊尹曰明哉言

能聽道乃進君國子民為善者皆在王官勉哉勉哉湯

曰汝不能敬命予大罰殛之無有攸赦

見史記

金履祥曰史遷載湯征之辭而不類蓋非湯征之舊

欽定四庫全書

經義考
卷二百六十

也孟子引亳眾往耕之事疑出此書

汝鳩

汝方史記
作房

序曰伊尹去亳適夏既醜有夏復歸于亳入自北門

乃遇汝鳩汝方作汝鳩汝方

竹書紀年帝癸十七年商使伊尹來朝二十年伊尹

歸于商及汝鳩汝方會於北門

孔安國曰言所以醜夏而還之意

薛季宣曰伊尹之五就湯五就桀其盛德之至乎不

以桀之不能不以湯之齊聖廢其君臣之義期於克

正乃已不得已而至於伐豈湯伊尹之心哉二篇之

告惜哉其不存焉

鄭伯熊曰伊尹適夏猶武王觀政於商伊尹復歸于

亳則桀無悔改之理矣然後湯師興焉蓋湯之伐桀

必俟伊尹之歸伊尹未歸則桀猶可改也

金履祥曰孟子所云五就湯五就桀之事意者於鳩

方之書得之

欽定四庫全書

經義考
卷二百六十

九

羅敦仁曰伊尹曰何事非君何使非民天之生斯民

也使先知覺後知使先覺覺後覺也予天民之先覺

者也予將以斯道覺斯民也非予覺之而誰也知此

是語汝鳩汝方者

夏社疑至臣扈

序曰湯既勝夏欲遷其社不可作夏社疑至臣扈

孔安國曰言夏社不可遷之義

孔穎達曰疑至臣扈當是二臣名馬融云聖人不可

自專復用二臣自明也

程子曰不可者湯不可之也

薛季宣曰古者征伐之主必改制度以新民之視聽

變置社稷其事之大者故為勝夏首政

鄭伯熊曰勝夏之後欲遷其社湯獨不可特屋之以

示戒若曰是其君之罪非神之責耳此作夏社之意

也伊川曰屋社之制計必始於湯理或然與

陳櫟曰初欲遷夏社作夏社篇繼以二臣之議而止

欽定四庫全書

經義考
卷二百六十

故又作疑至臣扈篇

典寶

序曰夏師敗績湯遂從之遂伐三艘史記作變俘厥寶玉

誼史記作義伯仲伯作典寶

竹書紀年帝癸三十一年商自陟征夏邑克昆吾大

雷雨戰于鳴條夏師敗績桀出奔三艘商師征三艘

戰于邱獲桀于焦門放之于南巢

孔安國曰三艘國名桀走保之今定陶也

孔穎達曰桀必載寶而行棄於三艘取其寶玉取其
所棄者也

薛季宣曰典寶之作其明守器之道乎

鄭伯熊曰三艘桀所奔也寶玉夏之器璜之類是也

典寶之作其以祖宗之物所當常寶而無德則失亦

不可常乎

明居

序曰咎單作明居

欽定四庫全書

經義考
卷二百六十

馬融曰咎單為湯司空

薛季宣曰孟子稱大哉居乎此明居所以作也

肆命 祖后

序曰成湯既沒太甲元年伊尹作伊訓肆命祖后

孔安國曰肆命陳天命以戒太甲也祖后陳往古明

君以戒也

沃丁

序曰沃丁既葬伊尹于亳咎單遂訓伊尹事作沃丁

皇甫謐曰沃丁八年伊尹卒卒年百有餘歲大霧三日沃丁葬之以天子禮祀以太牢親臨喪以報大德李舜臣曰稷契以下盡臣道者代不乏人伊尹周公之葬獨紀于書

咸父史記作父

序曰伊陟相太戊亳有祥桑穀共生于朝伊陟贊于巫咸作咸父四篇

孔穎達曰桑穀七日大拱伏生書傳有其文皇甫謐

欽定四庫全書

經義考
卷二百六十

十三

云太戊問于伊陟伊陟曰臣聞妖不勝德帝之政事有關白帝修德太戊退而占之曰桑穀野木而不合生于朝意者朝亡乎太戊懼修先王之政明養老之禮三年而遠方重譯而至七十六國是妖不勝德也陳櫟曰意此臣下相警戒之書咸父以巫咸能父王家也

按史記作咸父下有作太戊三字是太戊亦

篇名蓋四篇中之一矣

伊陟 原命

序曰太戊贊于伊陟作伊陟原命

史記曰帝太戊贊伊陟于廟言弗臣伊陟讓作原命孔穎達曰俱以桑穀事告

仲丁

序曰仲丁遷于囂史記作叔作仲丁

竹書紀年仲丁元年辛丑王即位自亳遷于囂于河上

欽定四庫全書

經義考
卷二百六十

十三

孔安國曰陳遷都之義

李顥曰蹠在陳留浚儀縣

皇甫謐曰仲丁自亳徙蹠在河北也

河亶甲

序曰河亶甲居相作河亶甲

竹書紀年河亶甲元年庚申王即位自蹠遷于相

胡一桂曰河亶甲仲丁弟相今相州

祖乙

序曰祖乙圮于耿作祖乙

竹書紀年祖乙元年己巳王即位自相遷于耿二年圮于耿自耿遷于庇八年城庇

孔穎達曰孔傳以為圮于相乃遷都于耿據文圮于耿祖乙居耿為水所毀更遷他處非既毀乃遷耿也盤庚云不常厥邑于今五邦及其數之惟有毫蹕相耿四處而已知此既毀于耿更遷他處殷本紀云祖乙遷于邢汲冢古文云盤庚自奄遷于殷蓋祖乙圮于耿遷于奄盤庚自奄遷于殷毫蹕相耿奄為五邦也

高宗之訓

序曰高宗祭成湯有飛雉升鼎耳而雊祖己訓諸王作高宗彤日高宗之訓

分器

序曰武王既勝殷邦諸侯班宗彝作分器

孔安國曰賦宗廟彝器酒尊賜諸侯言諸侯尊卑各

欽定四庫全書

經義考
卷二百六十

十四

有分也

薛季宣曰有虞氏之班瑞周人之分器皆一天下之道

胡仲曰分魯以夏后氏之璜分陳以肅慎氏之矢皆分器也拒鬯二卣周公得之成洛之後拒鬯一卣文侯得之東遷之初乃知宗彝重器也

羅敦仁曰詩序賚大封于廟也彝者酒尊廟中之器傳曰周有大賚分器也

欽定四庫全書

經義考
卷二百六十

十五

旅巢命

序曰巢伯來朝芮伯作旅巢命

顏師古曰巢伯南方遠國武王克商而來芮伯周同姓之國在圻內者

李杞曰巢今無為軍巢縣即其地也湯放桀于南巢巢人納之意者終商之世義不朝商乎誠如是亦足見巢之忠矣商亡而周興於是巢始來朝夫子錄其書盖有所感也

歸史記作魏禾

序曰唐叔得禾異畝同穎獻諸天子王命唐叔歸周公于東作歸禾

孔安國曰周公東征未還故命唐叔以禾歸周公
薛季宣曰唐叔得禾君臣悅而相讓可謂無睽閒之迹矣

陳經曰書雖亡君臣和氣藹然猶可想見當王之疑也禾為之偃金縢之啟也禾為之起及君臣之和同

欽定四庫全書

經義考
卷二百六十

十六

也禾又為之異畝同穗周公之忠誠上通于天矣

嘉禾

序曰周公既得命禾旅天子之命作嘉禾

孔穎達曰成王歸禾之命必歸美周公周公陳歸禾之命又推美成王

周公奉鬯立于阼階延登贊曰假王蒞政勤和天下

王應麟曰王莽傳引逸嘉禾篇

成王政

序曰成王東伐淮夷遂踐奄作成王政

孔安國曰成王即政淮夷奄國又叛王親征之遂滅奄而徙之以其數反覆為平淮徙奄之政令

薛季宣曰司馬掌兵謂之政典成王大正淮夷之亂因其有政以名篇

將蒲史記作薄姑

序曰成王既踐史記作殘奄將遷其君于蒲姑周公告召

公作將蒲姑

欽定四庫全書

經義考
卷二百六十

十七

竹書紀年成王三年伐奄滅蒲姑四年王師伐淮夷遂入奄五年春正月王在奄遷其君于蒲姑

孔安國曰已滅奄而徙其君于蒲姑告召公使作冊

書

李杞曰青州千乘縣有薄姑城遷奄君臣于薄姑遷

奄民于魯祝鮀所謂因商奄之民而命伯禽是也

賄肅慎之命

序曰成王既伐東夷肅慎來賀王俾榮伯作賄肅慎